

**O‘zbekiston Respublikasi hududiy-markaziy dehqon bozorlarida, alohida turdagi
oziq-ovqat mahsulotlarining minimal-maksimal narxlari to‘g‘risida
MA’LUMOT***



*(Narxlarni ro‘yxatga oluvchi tomonidan kuzatuv o‘tkazilgan kun va vaqtdagi narx-navo qayd etilib, bunda vaqt va joyiga qarab narxlar o‘zgarib turadi. Mazkur ma’lumotlarning shakllanishi jarayonida, faqatgina dehqon bozorlari hududidagi oziq-ovqat mahsulotlari narxlari hisobga olingan (**supermarket, minimarket, do‘kon**lardagi narxlar inobatga olinmagan).*

Davlat statistika qo‘mitasi tomonidan, mamlakatimiz hududlaridagi markaziy dehqon bozorlarida, **2022- yil 22- iyun kuni** o‘tkazilgan kuzatuv natijalari bo‘yicha, alohida turdagi oziq-ovqat mahsulotlarining minimal-maksimal narxlari quyidagi ko‘rinishga ega bo‘ldi:

Suyakli mol go'shti
45 000 so'mdan 75 000 so'mgacha (kg)



Kuzatuv natijasiga ko'ra, 1 kg suyakli mol go'shtining minimal narxi, Nukus shahrining "Nukus dehqon bozori"dagi arzonlashtirilgan go'sht rastalarida qayd etilgan (45 000 so'm).

Suyakli mol go'shtining maksimal narxi esa, Toshkent shahrining "Farhod dehqon bozori"da kuzatildi (xususiy tadbirkorlar rastalarida 75 000 so'm). Shu bilan birga, mazkur bozorda tashkil etilgan arzonlashtirilgan rastalarda mol go'shti minimal 51 000 so'mga sotilmoqda.



Qo'y go'shti
55 000 so'mdan 88 000 so'mgacha (kg)



Qo'y go'shtining minimal narxi (55 000 so'm) kuzatuv natijasiga ko'ra, Nukus shahrining "Nukus dehqon bozori", Navoiy shahrining "Saxovat" bozori va Toshkent shahrining "Farhod dehqon bozori"dagi arzonlashtirilgan rastalarda ro'yxatga olingan.

Maksimal narxi esa, Toshkent shahrining "Oloy dehqon bozori" va "Farhod dehqon bozori"da (xususiy tadbirkorlar rastalarida 88 000 so'm) kuzatildi. Shuningdek, ushbu bozorda qo'y go'shtini minimal 55 000 – 60 000 so'mga ham xarid qilish mumkin.



Kartoshka

2 000 so‘mdan 7 000 so‘mgacha (kg)

Kuzatuv natijalariga ko‘ra, Andijon shahrining “Yangi bozor dehqon bozori”, Namangan shahrining “Namangan chorsu dehqon universal bozori”da tashkil etilgan arzonlashtirilgan savdo rastalarida sotilayotgan kartoshkaning narxi minimal narx sifatida (2 000 so‘m) qayd etilgan.



Shu bilan birga, Toshkent shahrining “Mirobod dehqon bozori” va “Oloy dehqon bozori”da sotuvdagi saralangan kartoshkaning narxi maksimal narx sifatida (7 000 so‘m) qayd etildi. Ushbu bozorlardagi arzonlashtirilgan rastalarda sotilayotgan kartoshkani minimal 2 500 – 3 500 so‘mdan xarid qilish mumkin.

Piyoz

2 000 so‘mdan 5 500 so‘mgacha (kg)



Piyoz mahsulotining minimal narxi kuzatuv natijasiga ko‘ra, Navoiy shahrining “Saxovat” bozorida, Chirchiq shahrining “Chirchiq dehqon bozori” va Toshkent shahrining “Farhod dehqon bozori”da (2 000 so‘m) ro‘yxatga olindi.

Maksimal narx sifatida esa, Urganch shahrining “Urganch markaziy dehqon bozori”da sotuvda bo‘lgan saralangan piyozning narxi kuzatildi (5 500 so‘m). Shuningdek, mazkur bozorda piyozni minimal 3 500 so‘mga ham xarid qilish mumkin.



Sabzi

1 200 so‘mdan 6 000 so‘mgacha (kg)

Sabzi mahsulotining minimal narxi kuzatuv natijasiga ko‘ra, Urganch shahrining “Urganch markaziy dehqon bozori”da (1 200 so‘m) qayd etilgan. Shuningdek, mazkur bozorda sabzini maksimal 3 000 so‘mga ham xarid qilish mumkin.



Sabzi mahsulotining maksimal narxi esa, Toshkent shahrining “Oloy dehqon bozori”, “Mirobod dehqon bozori”da 6 000 so‘m darajasida qayd etilgan. Ushbu bozorlarda sabzining minimal narxi 3 000 – 3 500 so‘mni tashkil etdi.

Tuxum

7 000 so‘mdan 15 000 so‘mgacha (10 dona)



Kuzatuv natijasiga ko‘ra, Navoiy shahrining “Saxovat bozori” va Urganch shahrining “Urganch markaziy dehqon bozori”da arzonlashtirilgan tuxum rastalaridagi mayda tuxumning narxi minimal narx sifatida qayd etildi (7 000 so‘m).

Maksimal narxi esa, Toshkent shahrining “Farhod dehqon bozori”da qayd etilgan (yirik saralangan tuxum 15 000 so‘m). Shuningdek, mazkur bozorda 10 dona mayda tuxumning minimal narxi 8 000 so‘mni tashkil etgan.



Guruch

5 000 so‘mdan 22 000 so‘mgacha (kg)

Kuzatuv natijalariga ko‘ra, guruch mahsulotining minimal narxi Nukus shahrining “Nukus dehqon bozori”da (“Nukus-2” va boshqa mahalliy navli guruchlar, 5 000 so‘m) qayd etilgan.



Maksimal narx esa, Toshkent shahrining “Mirobod dehqon bozori”da 22 000 so‘mdan kuzatildi (“Lazer” navli guruch). Shu bilan birga, ushbu bozorda guruchning minimal narxi 8 000 so‘mni tashkil etgan.

O‘simlik yog‘i

15 500 so‘mdan 30 000 so‘mgacha (litr)



O‘simlik yog‘ining kuzatuv natijasiga ko‘ra, minimal narxi Namangan shahrining “Namangan chorsu dehqon universal bozori”da (mahalliy paxta yog‘i 15 500 so‘m) kuzatildi. Shuningdek, mazkur bozordagi xususiy tadbirkorlar rastalarida paxta yog‘ini 19 000 so‘mga ham xarid qilish mumkin.

Maksimal narxi esa, Toshkent shahrining “Oloy dehqon bozori”da (kungaboqar yog‘i 30 000 so‘m) kuzatildi. Shuningdek, mazkur bozorda kungaboqar yog‘ini minimal 18 000 so‘mga ham xarid qilish mumkin.



Shakar

10 000 soʻmdan 18 000 soʻmgacha (kg)



Shakar mahsulotining kuzatuv natijasiga koʻra minimal narxi Andijon shahrining “Yangi bozor dehqon bozori”, Buxoro shahrining “Buxoro markaziy dehqon bozori”, Navoiy shahrining “Saxovat bozori” va Guliston shahrining “Guliston dehqon bozori”da arzonlashtirilgan rastalarda (10 000 soʻm) qayd etildi.

Maksimal narxi esa, Urganch shahrining “Urganch markaziy dehqon bozori”, Toshkent shahrining “Oloy dehqon bozori”da (18 000 soʻm) kuzatildi. Shuningdek, mazkur bozorlarda shakarni minimal 12 000 – 17 500 soʻmga ham xarid qilish mumkin.



Markaziy dehqon bozorlari kesimidagi batafsil maʼlumotlar quyidagi koʻrinishda taqdim etilgan:

**O‘zbekiston Respublikasi hududiy markaziy dehqon bozorlarida alohida turdagi
oziq-ovqat mahsulotlarining minimal-maksimal narxlari to‘g‘risida**

MA’LUMOT*

2022- yil 22- iyun holatiga (1 kg so‘mda)

№	Bozorlar nomi		Suyakli mol go'shti	Qo'y go'shti	Kartoshka	Piyoz	Sabzi	Tuxum (10 dona)	Guruch	O'simlik yog'i (1 L)	Shakar
1.	Nukus shahar “Nukus dehqon bozori”	min	45000	55000	2500	2800	1500	10000	5000	18000	11000
		max	68000	68000	5500	4500	2500	12000	18000	22000	14000
2.	Andijon shahar “Yangi bozor dehqon bozori”	min	55000	65000	2000	2800	2500	9500	8000	18000	10000
		max	70000	80000	4500	4000	3300	11000	11000	24000	16000
3.	Buxoro shahar “Buxoro markaziy dehqon bozori”	min	56000	57000	3200	2300	2200	7500	5700	16000	10000
		max	70000	65000	5000	4000	3000	12000	15200	22000	13500
4.	Jizzax shahar “Jizzax markaziy dehqon bozori”	min	55000	60000	3000	3300	2000	10000	7500	16000	12000
		max	65000	65000	4500	4000	3500	12000	17000	24000	15000
5.	Qarshi shahar “Qarshi dehqon oziq-ovqat bozori”	min	55000	65000	2700	2500	2500	9000	6000	18000	10500
		max	58000	70000	3000	2600	2600	10000	12000	22000	10500
6.	Navoiy shahar “Saxovat” bozori	min	55000	55000	3000	2000	2000	7000	6000	16000	10000
		max	67000	66000	5500	3500	3000	10000	12000	24000	15000
7.	Namangan shahar “Namangan chorsu dehqon universal bozori”	min	52000	70000	2000	2500	2000	8500	7000	15500	12000
		max	65000	75000	4000	4000	3300	12000	17000	22000	15000
8.	Samarqand shahar “Siyob dehqon bozori”	min	55000	65000	3000	2500	2000	8500	7000	16000	10500
		max	65000	70000	4000	3500	3000	11000	12000	23000	16000
9.	Termiz shahar "Yashil dunyo markaziy dehqon oziq-ovqat bozori"	min	65000	72000	3000	2500	2000	8000	6000	17000	10500
		max	70000	77000	4500	4000	3000	10000	18000	23000	15000
10.	Guliston shahar “Guliston dehqon bozori”	min	50000	65000	2500	3000	2000	7500	6000	16000	10000
		max	70000	80000	4000	3500	3000	11000	15000	22400	14000
11.	Chirchiq shahar “Chirchiq dehqon bozori”	min	55000	58000	2500	2000	2000	10000	5800	17777	12000
		max	65000	78000	4500	4000	4000	12000	15500	25000	17000
12.	Yangiyo'l shahar “Ixtisoslashgan Yangiyo'l shahar dehqon bozori”	min	55000	70000	4000	3500	3500	9000	7500	18000	12000
		max	70000	70000	4500	4000	4000	10000	18000	22000	12000
13.	Farg'ona shahar “Farg'ona shahar markaziy dehqon bozori”	min	55000	65000	3500	3000	2500	9500	8000	16500	12000
		max	70000	76000	5000	4500	3300	12000	16000	22500	15000
14.	Urganch shahar “Urganch markaziy dehqon bozori”	min	58000	75000	2500	3500	1200	7000	6000	20500	17500
		max	70000	80000	4000	5500	3000	11000	18000	25000	18000
15.	Toshkent shahar “Eski jo'va dehqon bozori”	min	53000	60000	3500	3000	3500	11000	5000	18600	12000
		max	70000	85000	5500	4500	4000	12000	16000	23000	12000
16.	Toshkent shahar “Oloy dehqon bozori”	min	50000	60000	3500	3000	3000	9000	8000	18000	12000
		max	73000	88000	7000	5000	6000	14000	18000	30000	18000
17.	Toshkent shahar “Farhod dehqon bozori”	min	51000	55000	3000	2000	3000	8000	7500	19447	12000
		max	75000	88000	5000	5000	5500	15000	18000	25000	14000
18.	Toshkent shahar “Qo'yliq dehqon bozori”	min	51900	60000	3000	3000	2500	9000	6000	18000	12000
		max	70000	82000	5000	4000	4000	13000	19000	25000	16000
19.	Toshkent shahar “Mirobod dehqon bozori”	min	50000	58000	2500	3000	3500	10000	8000	18055	12000
		max	70000	85000	7000	5000	6000	14000	22000	25000	12000

*) Alohida turdagi oziq-ovqat mahsulotlarining **MINIMAL** va **MAKSIMAL** narxlari kuzatuvi, statistika organlari tomonidan viloyatlarning hududiy markazlari, Nukus hamda Toshkent shaharlarida **ALOHIDA TANLAB OLINGAN** markaziy **DEHQON BOZORLARI** kesimida amalga oshiriladi.

Hududlarning markaziy dehqon bozorlaridagi **MINIMAL** va **MAKSIMAL** narxlarni ro'yxatga olishda, dehqon bozori bo'lmagan savdo obyektlaridagi narxlar kuzatuvga olinmaydi (minimarketlar, supermarketlar, do'konlar va hokazo).

Kuzatuvning **MAQSADI**, O'zbekiston Respublikasi Vazirlar Mahkamasi tomonidan, Davlat statistika ishlari dasturiga muvofiq, asosiy turdagi oziq-ovqat mahsulotlari orasidagi **NARXLAR DIAPAZONINI ANIQLASHDAN IBORAT**.

Shu asnoda ro'yxatga olingan narx ma'lumotlaridan o'rtacha iste'mol narxlari darajasini aks ettirish yoki uni baholash, shuningdek, narxlar o'zgarishi dinamikasini tavsiflashda foydalanish tavsiya etilmaydi.

Muayyan hududning markaziy dehqon bozorida, aniq turdagi tovar bo'yicha ro'yxatga olingan **MINIMAL** yoki **MAKSIMAL** narxlar, respublika bo'yicha shu hududda aynan ushbu mahsulotning o'rtacha narxlari darajasini **MINIMAL** yoki **MAKSIMAL** deb hisoblash uchun **ASOS BO'LMAYDI**.

Dehqon bozorlaridagi **MINIMAL** va **MAKSIMAL** narxlar darajasiga, assortiment yoki hududiy siljishlar, shuningdek, kuzatuv o'tkazish vaqtida bozorlardagi mavjud sharoitlar ta'sir etishi mumkin.

Narxlar kuzatuv amalga oshirilayotgan vaqtda qayd etiladi va ma'lumotlarni to'plash vaqti, sanasi hamda joyi o'zgarishiga qarab ham, narxlarning tebranish holatini ko'rish mumkin.